

百僚金鑑

百僚金鑑卷之六

郡守總考

郡守秦官。秦滅諸侯。以其地為郡。置守丞尉三官。守治民。秩二千石。丞佐之。尉典兵。漢景初。更名太守。掌治民。進賢勸功。決訟檢奸。常以春行所主縣。秋冬遣無過吏。按訊諸囚。平其罪法。課論殿最。并舉孝廉。歲盡。遣十計掾吏。條上郡內衆事。謂之計偕。郡為諸侯王國者。置內史以掌太守之任。成帝初。省內史。以相治民。則相職為太守。王莽改太守曰太尹。後漢常以尚書令僕射出為太守。自郡守入為三公重之也。後

魏初置三太守。孝文初二千石能靜二郡至三郡者遷為刺史。唐武德初改郡為州。改太守為刺史。天寶初又改州為郡。刺史為太守。自是州郡史守更相為名。其實一也。明初府定為三等。賦三十萬石上為上府。從三品。二十萬石為中府。正四品。十萬石為下府。從四品。已而定為正四品。知府一同知通判一。推官一。因事添設。其屬經歷一。知事一。照磨一。檢校一。司獄一。所屬衙門儒學教授一。訓導四。知府掌教養萬民。同知通判。推官為之貳。賓興科貢。均平賦役。崇慎祀典。禁詰奸頑。表異良善。訊聽刑獄。審遠冤滯。存恤

因窮糾察吏治。而上下其考。以告撫按藩臬。達於吏部。
按泰用而軼之法。并小鄉聚集為一縣。縣置令丞。凡三
十一縣。分天下為三十六郡。置守尉。監守者郡守。為天
子守土治民者也。尉者丞尉。掌佐官典武職甲卒者也。
監者御史。掌監郡者也。漢文帝時。吳公為河南守。治平
為天下第一。召以為廷尉。武帝時。詔戒二千石修職事。
二千石太守之俸也。知府之重。自以始。

汲黯

漢武帝。以黯為淮陽太守。黯曰。臣嘗有狗馬之心。今病力
不能任郡事。臣願為中郎。出入禁闥。補過拾遺。臣之願也。

上曰。君薄淮陽耶。吾今召君矣。

雋不疑

昭帝時。不疑為京兆尹。吏民敬其威信。每行縣錄囚徒還。其母輒問不疑多所平反。活幾何人。即多所平反。母喜笑。異他時。或無所出。母怒而不食。故不疑為吏。嚴而不殘。

龔遂

龔遂為渤海太守。宣帝問弭盜之方。對曰。海瀕遐遠。不沾聖化。民困於饑寒。而吏不恤。故使陛下赤子。盜弄陛下之兵於潢池中耳。今欲使臣勝之耶。將安之也。上曰。選用賢良。固欲安之也。遂曰。治亂民猶治亂繩。不可急也。惟緩之。

然後可治。願無拘臣以文法。得一切便宜行事。上許焉。乘傳至渤海界。郡聞新太守至。發兵以迎。遂皆遣還。悉皆罷逐捕盜賊之吏。諸持鉏鉤田器者。皆為良民。吏得勿問。持兵器者。乃為賊。遂單車獨行。至府。諸賊聞。遂教令解散。棄其弓弩。而持鉤鉏。於是悉平。遂乃開倉廩。假貧民。選用良吏。慰安教養焉。遂見齊俗奢侈。好末技。不田作。乃躬率勸儉。勸民農桑。民有帶持刀劍者。使賣劍買牛。賣刀買犢。曰。何為帶刀佩犢。勞來循行。郡中皆有蓄積。獄訟止息焉。

朱邑

朱邑先為桐鄉嗇夫。廉平不苛。以愛利為行。使民愛敬之。

遷北海太守。以治行第一入為大司農。謹厚敦于故舊。公正。不可交。以私身為列卿。居處節儉。祿賜以供族黨。家無餘財。及卒。天子下詔稱楊。

韓延壽

韓延壽為東郡太守。遷為左馮翊。延壽為吏好古教化。接待下吏。恩施甚厚。或欺負之者。延壽痛自刻責。曰。豈其負之。何以至此。吏聞者自傷悔。至自刺其頸。其在東郡。令行禁止。斷獄大減。出行縣。至高陵。有昆弟相與訟田。延壽大傷之曰。幸得脩佐為郡表率。不能宣明教化。至今民有骨肉爭訟。既傷風化。咎在馮翊。因閉閣思過。於是訟者自悔。

賴以旧相移不敢復爭。郡中翕然相勸勵不敢犯恩信。周
徧二十四縣。莫復以詞訟自言者。推其至誠。吏民不恐欺
焉。

尹公歸

尹公歸為東海太守。公應察郡中吏民賢不肖及奸邪罪
名。盡知之。各有記籍。被籍取人。以一警百。吏民皆服。恐懼
政行自新。以治郡高第。遂入為右扶風。選用應平以為右
職。接待以禮。好惡同之。其負公歸罰亦必行。緩于小弱。急
於豪強。嘗為三輔最。

黃霸

黃霸為潁川太守。前後八年。政事愈治。是歲鳳凰神爵集
郡國。潁川獨多。賜爵關內侯。

時河南太守嚴延年為治陰鷙酷烈。論因流血數里。河
南號曰屠伯。素輕黃霸為人。及比郡為太守。褒賞及在
已前。心內不服。河南界內有蝗。府丞出行蝗。還見延年
延年曰。坎蝗豈鳳凰食耶。初延年母從東海來。適見叔
因大驚。便止都亭。不肯入府。因責延年曰。天道神明。人
不可獨殺。我不意當老見壯子被刑戮也。行矣。遂去。歸
郡。後歲餘。延年被誅。東海莫不賢智其母。以其所當戒
者也。

張敞為京兆尹。黨于楊惲。為公卿所奏。詔未下。敞使長
繫。有所案驗。私歸其家。曰。五日京兆耳。安能復案事。
敞聞之。即收繫。敞竟致其死。後敞為舜家所告。免為
庶人數月。京師抱鼓數起。天子思敞功。復召用之。及後
者至。妻子皆泣。而敞獨笑曰。吾身為亡命。郡吏當就捕。
今使者來。安天子欲用我也。裴隨使者詣公車。上引見。
拜為冀州刺史。盜賊屏跡。○愚按刑罪國之重典。加於
有罪者也。張京兆慘刻忌嫉。以五日京兆一語。殺人如
草菅。安在其為良吏哉。雖有治劇之才。其量不足觀也。
已。

召信臣

召信臣為南陽太守。治行第一。視民如子。吏民親愛。號曰召父。

何武

何武為京兆尹。吏守法奉公。進善退惡。所居無赫赫名。去後嘗見思。

李固

李固為泰山太守。政為天下第一。

固少好學。改易姓名。徙

聖為世大儒司。使李固之子也。

漢宣帝嘗曰。庶民所以安其田里而無嘆息愁恨之聲。

若政平訟理也。與我共此者。其惟良二千石乎。以為太
守吏民之本。數變易則下不安。民知其將久。不可欺罔。
乃服從其教化。故二千石有治理效。輟以璽書勉勵。增
秩賜金。故爵至關內侯。公卿缺則選諸所表。以次用之。
是故漢世良吏。於是為盛。

任延

任延為武威太守。光武戒之曰。善事上官。無失名譽。延對
曰。臣聞忠臣不私。私臣不忠。履正奉公。臣子之節。上下雷
同。非陛下之福。善事上官。臣不敢奉詔。

任延為九真太守。俗不識父子之性。夫婦之道。乃遺書屬

縣各使男女皆以年齒相配。同時相娶者二十餘人。是歲風雨順節。穀稼豐衍。其產子者。始知種姓。咸曰。使我有子者。任君也。多名子為任。

張堪

張堪為漁陽太守。勸民耕稼。以致殷富。百姓歌曰。桑無附枝。麥秀兩岐。張君為政。樂不可支。

朱暉

朱暉為臨淮太守。有善政。民歌之曰。強直自遂。南陽朱李。吏畏其威。民懷其惠。

杜詩

南陽太守杜詩。政治清平。百姓便之。又修治陂池。廣拓田土。郡內比室殷富。時人以方召信臣。南陽為之語曰。前有召父。後有杜母。

宋均

九江太守。宋均。五日一聽事。悉省掾吏。閉督郵府內。屬縣無事。百姓安。崇九江舊多虎暴。常募設檻阱。而猶傷害。均下記屬縣曰。夫江淮之有猛獸。猶北土之有鷄豚也。今為民害。咎在殘吏。而勞勤張捕。非優卹之本也。其務退姦貪。思進忠善。可一去檻阱。除刑課。制其後。無復虎患。

延屬宜君中部。率多虎患。不但食鷄豚牛馬。兼捕人而

食之。余過其邑。人為言。作驅虎文以止之。其後亦稍息矣。驅驅馴雉。大約以誠為主。

范廩

范廩字叔度。為蜀郡太守。成都民物豐盛。邑宇逼側。舊制禁民夜作。以防失火。范乃毀削先令。但嚴使儲水而已。百姓以為便。歌曰。廩叔度來何暮。不禁火。民安作。昔無孺。今五襁。

楊震

楊震字伯起。為東萊太守。當之郡。道經昌邑。故所舉荆州茂才王密。為昌邑令。夜懷金十斤以遺震。曰。故人知居

若不知故人何也。密曰：暮夜無知者。震曰：天知地知我知。子知何謂無知者。密愧而出。震性公廉。子孫常為範。食步行故舊。或欲令其開產。泰震不肯曰：使後世稱為清白吏子孫。以此遺之。不亦可乎。

劉寵

劉寵為會稽太守。簡除煩苛。禁察非法。郡中大治。徵為匠作大將。山陰縣有五六老叟。自若耶山谷間出。人齎百錢以送寵。曰：山谷鄙生。未嘗識郡城。他時守吏發求民間。至夜不絕。或徇吠竟夕。民不得安。自明府下車以來。狗不夜吠。民不見吏。老年遭值聖朝。今聞見棄去。故自扶奉送。寵

曰吾政何能及公言耶勤告父老選一大錢受之

范仲淹

宋范仲淹以館閣出知延州大閱州兵得萬八千人分六鄉領之日夜訓練量賊衆寡使更出禦敵夏人相戒曰勿以延為意今小范老子胸中有十萬甲兵不比大范老子可欺也淹又大興營田修堡砦招流亡通斥堠於是漢羌之民相率歸業

按延州即今之延安府夏人趙元昊作亂故以朝廷重臣禦之所以固邊防也余於順治庚子承乏是郡觀嘉嶺山石有出將入相先憂後樂八大字心儀型之四年

以來頗有成效。獨其堂曰景范。蓋有志而未逮也。

富弼

富弼公以宰相出知青州。值河北京東大水。民流就食。於是勸所部民出粟。益以官廩。得公私廩合十餘萬區。散處人以便薪水。率五日起。人持酒食餒。慰籍出於至誠。人爲盡力。又山林州澤之利。可以資生者。聽民擅取。凡活五十餘萬人。立法簡便。周至天下。傳以爲式。帝聞遣使褒勞。加禮部侍郎。弼曰。以臣職。敢受賞乎。

史臣曰。富弼青州救荒。至今膾炙人口。至有功加官。而固辭真仁人之量哉。

包拯

包拯知開封府。性峭重剛毅。惡吏苛刻。為政務敦厚。雖嫉惡如仇。而未嘗不推以忠恕。與人不苟合。不偽辭色。以悅人。平生無私。及知開府。貴戚宦官。為之歛手。吏民不敢欺。童稚婦女。亦知其名。呼曰包待制。京師為之語曰。關節不到。有閻羅包老。以其笑比黃河清焉。

張栻

張栻字敬夫。為都司曰。所至郡。暇日召諸生告語民以事。至庭。必隨事開曉。具為條教。大抵以正禮俗。明倫紀為先。斥異端。毀淫祠。而崇社稷山川。古聖賢之祀。嘗言。學莫先

於義利之辨。義者本心之當為。非有為而為之也。有為而為。則皆人欲。非天理矣。

鍾况

明鍾况靖安人。知蘇州府。物至郡。佯不解事。諸吏抱案環立。請判。公顧左右問吏。吏所欲行。公輒聽。吏大喜。謂太守愚。越三日。公召諸吏。詰曰。某事宜行。若顧止我。某事宜止。若顧欲我行。縛諸吏拷掠。投庭下。輒死者數人。諸吏又皆大懼。謂太守神明。公乃盡覈屬吏。斥貪墨者五人。庸懦者十餘人。郡大治。

文翁

文翁為蜀郡太守。起學宮於成都。選下縣子弟。以為學官。于是子弟大化。至今巴蜀好文雅。皆文翁化之也。

龐參

龐參為太守。郡人有任棠者。素有德行。參往拜之。棠以雞一本。水一盂。置戶下。自抱嬰兒當戶。參悟曰。水欲吾。清。雞欲吾。擊。強。宗抱兒當戶。欲吾開門恤孤也。於是境內大治。

鄭弘

鄭弘為臨淄太守。行春日有兩白鹿夾轂而行。主簿黃國賀曰。三公車畫鹿。明府當為宰相矣。後果為太尉。

韓退之

韓愈字退之。穆宗時為京兆尹。軍兵不敢犯法。私相謂曰。是尚欲燒佛骨。何可犯也。

按京兆尹。以漢為最勝。先有趙廣漢。張敞。其後有王尊。王章。王駿。皆有賢名。京師語曰。前有趙張。後有三王。

馮立

漢馮立為上郡太守。治行卓異。畧與馮野王相似。民歌之曰。大馮君。小馮君。兄弟繼踵相因循。政如魯衛德化均。

吳惠

吳惠為桂林太守。適義寧洞蠻。結湘苗為亂。監司方議征。進請於朝。惠急白曰。義寧吾屬地。請自招撫。不從而征之。

未晚也。乃從十餘人肩輿入洞。賊聞太守至。啓於魁得入。惠告曰。吾若屬父母。欲來相活。無他。衆唯。因反覆陳順逆。其魁感泣。留惠數日。歷觀屯堡形勢。數千人衛出境。巖羊豕境上。惠曰。善爲之。無遺後悔。數千人皆投刃拜誓。不反。惠歸告監司。遂罷兵。明年武岡州盜起。宣言推義寧洞主爲帥。監司咸罪惠。曰。郡守主撫。監司主征。蠻人反覆。吾任其咎。復遣人至義寧。義寧徭溪山頂覘得惠。使具明武岡之寃。監司大慚。武岡盜因不振。義寧人德惠如父母。迄惠在桂林。無敢有騷竊境上者。

薛元賞

薛元賞為京兆尹。謁宰相李石於私第。石方在廳。若與人
訴說者。元賞問焉。曰。軍中將軍。元賞排闥進。曰。公朝廷大
臣。天子所委任。安有軍中一將。敢無禮如以夫紀綱陵替。
猶望相公整頓。豈有出自相公者耶。即疾趨而去。顧左右
可便擒來。時仇士良用事。此輩已有訴之者。宦官連聲傳
士良命曰。中尉奉屈大尹。元賞不答。即命杖殺之。士良大
怒。元賞乃白衣請見。士良出曰。為何擅殺軍中大將。元賞
具言無禮狀。止曰。宰相大臣也。中尉亦大臣也。彼既可無
禮於此。此亦可無禮於彼。乎國家之法。中尉宜保守。一旦
壞之。可惜。其已白衣待罪矣。士良以其禮直。顧左右取酒。

飲之而罷

趙豫

趙豫為松江太守。每見訟者。非急事。則曰明日來。始皆笑之。故有松江太守明日來之謠。不知訟者來一時之忿。經宿氣平。或變為壁辭。因而息者多矣。比之鉤鉅致人。而自為名者。曷啻霄壤。

李若谷。答一門人云。清動和緩。門人曰。清動和。則既聞命矣。緩安可為也。李公云。天下甚事。不是忙裡錯的。明日來一語。不但不自錯。無以救人之錯。

世官

周敦頤

敦頤字茂叔。為南安司理。有盜不當死者。轉運使王逵欲深治之。敦頤力與辨。逵不聽。敦頤委手板將棄官去。曰。如此尚可仕乎。殺人以媚人。吾不為也。逵悟。因得釋。

按茂叔之舅鄭向。為分寧縣主簿。有獄久不決。公至。一訊即辨。邑人驚曰。老吏不如也。公博學力行。著太極圖明天理之根源。明萬物之始終。著通書四十篇。發明太極之蘊。言約而道大。文質而義精。得孔孟之本源。大有功於學者。為南安司理時。通判程珦以其學為知道。因使

二子鵬顧往受業焉。公每令尋孔顏樂處。所樂何事。明道曰。自見周茂叔後。吟風弄月以歸。有吾與點也之意。學者你為濂溪先生。

趙清獻

清獻公。汴為武安推官。民有偽造印者。吏皆以為當死。公獨曰。造在赦前。用在赦後。赦前不用。赦後不造。法當不死。疑獄遂決。

崔鄆

崔鄆為筠州推官。上哲宗書曰。方今政令。以糾左右之忠邪為本。左右之人。有指元祐之臣為奸邪者。公邪人也。昔

司馬光忠信直諫。聞於華夏。雖在名臣。不能遠過。如真惇
徂詐幽險。天下呼曰惇賊。惟聖明辨之。比年以來。諫官不
論得失。御史不劾奸邪。門下不駁詔令。共持暗昧。以為得
計。夫以股肱耳目。治亂安危所係。而一切若此。陛下雖有
堯舜之聰明。將誰使言之。誰使行之哉。

季本

明季本為建寧推官。值宸濠反江西。王文成公方發兵討
之。而建寧有分水關。自江入閩道也。本請於所司。身往守
之。會巡按御史以科場事檄郡守。與本並入守。以書趣本
本復書曰。建寧所恃者。惟吾兩人。兵家事在呼吸。而科場

往返動計四旬。今江西勝負未可知。土寇生發叵測。微吾兩人其誰與守。即幸而無事。當此之際。使試錄列吾兩人名。傳檄遠邇。將以為不知所重。貽笑大方矣。拒違按院之命。孰與誤國家事哉。太守深服其言。遂不往。

胡承菴

胡大司空公。號承菴。績溪人。先為嘉興司理。署印平湖。有惠政。適倭寇猖獗。郡議築城。公親入幕府。民難與慮始。請縛某居軍前。禦倭百姓受其惠。必相急。乃可舉事。浸之民大震。各任築城。不閱月而城成焉。

官曰推官。以其推敲官評也。廳曰刑廳。以其疏理刑名。

也。兩者閔人之功名。係人之生死。任綦重矣。倘有大害而不敢問。有大惡而不能除。固刑廳之責。有極誣而不能辨。有極枉而不能豁。尤刑廳之罪也。居其職者。思及職掌之重。視州縣尤凜凜焉。我

朝推官。初仍宋元之舊。每府兼設。為按臺耳目。及後。方既載而威焰亦少減矣。康熙六年七月間。滿漢大臣會議。將推官盡裁。而以知縣補用。有以哉。

附別駕

周景為刺史。聘陳蕃為別駕。蕃不就。景題其所駕與曰。陳仲舉坐。不復更辟。蕃乃起視職。仲舉陳蕃字也。

按魯肅與劉先主書曰。龍士元非百里才也。使處治中。別駕之職。斯得展其驥足耳。漢制別駕。從事史一人。刺史行部。別乘一駕。故曰別駕。即今通判之任也。

知州總考

知州古刺史之職。孝文初以二千石能靜二郡。至三郡者遷為刺史。唐武德初改郡為州。改太守為刺史。故唐無太守之號。天寶初又改州為郡。改刺史為太守。自是州郡太守相更為名其實一也。明改為知州。無上中下。皆泛五品。有知州有判官。皇不及三十而無屬縣。裁同知判官有屬縣。裁同知因事添設。專設無常員。其屬吏目一人。所屬衙門儒學學正一。訓導一。餘官俱如府。宋太祖置諸州通判。凡軍民之政皆統治之事。得專達與長吏均禮焉。

漢蘇章為荊州刺史。有故人為清河太守。章行部。欲按其姦賊。乃請太守。為設酒餽。陳平生之好。甚歡。太守曰。人皆有一天。我獨有二天。章曰。今夕蘇文儒與故人飲者。私恩也。明日荊州刺史按事者。公法也。遂舉正其罪。境內肅然。唐仲友曰。公義私恩。固當并行。不相悖。蘇章之意。蓋欲借以警衆。故舊之恩。恐不如矣。

郭伋

光武時。郭伋為并州牧。過京師。帝問以得失。伋曰。選補衆職。當簡天下賢俊。不宜專用南陽人。是時在位多鄉曲故。伋言及之。郭伋守潁川。進帝城。上曰。河閭兒。里京師家。福

郭賀

明帝時。郭賀為荊州刺史。官有殊政。民歌之曰。厥德仁明。郭喬卿忠。在朝廷上下。平上賜以三公之服。黼黻冕旒。勅行部。去幘帷。使百姓見其容服。以彰有德。

王陽

漢王陽為益州刺史。行部至邛。焚九折坂。嘆曰。奉先人遺體。柰何數乘此險。棄官去。後王尊為刺史。至其坂。問吏曰。非王陽所畏之道耶。叱其馭曰。驅之。王陽為孝子。王尊為忠臣。

辛公義

隋辛公義為玳州刺史。玳俗畏疫。一人病。閭家避之。病者多死。公義命皆與致廳事。設榻晝夜處其間。以奉祿具醫藥。身自省問。病者既愈。召其親戚諭之曰。死生有命。豈能相染。若能相染。吾死久矣。民感之。遂相慈愛。風俗遂變。

殷仲堪

荊州刺史殷仲堪。先是仲堪遊於江濱。見流棺接而葬焉。旬日。門前溝忽起為岸。有通名自稱徐伯元者云。感君之惠。仰堪因問門之岸何梓。對曰。水中有岸。其名曰洲。君將任州矣。言終而沒。仲堪竟為荊州刺史。

梁彥光

彥光守修之高祖時為岐州刺史甚有惠政嘉禾連理出於州境七年岐州悅其能下詔褒美賜以粟帛徙湘州刺史發摘干隱有若神明豪猾莫不潛竄閭境肅然又召致儒師立學校非聖哲之書不得教授以月朔召集之察其勤學異等者升堂設饌其餘並坐廊下有好爭訟墮業無成者坐之庭中設以草具於是人皆刻勵風俗大改

狄仁傑

唐狄仁傑為寧州刺史御史郭翰巡察隴右入寧州境歌刺史德政者盈路翰表薦之徵為冬官侍郎

陸象先

唐陸象先為蒲州刺史。政尚寬簡。吏民有罪。多曉諭遣之。
常語人曰。天下本無事。庸人擾之耳。苟清其源。何患不治。

楊延慶

唐太宗以楊延慶為知州。謂宰相曰。刺史之任。最為親民。
苟非其人民。受其禍。昔秦彭守潁川。教化大行。境內多瑞。

宋琪曰。秦彭一郡守。政善而應若此。況君天下者乎。

按秦彭。茂陵人。建武初。為山陽太守。以禮訓人。後潁川太
守有鳳凰麒麟。嘉禾其靈之瑞。

杜衍

杜衍字世昌。趙州人。先知乾州。未滿歲。安撫使察其治。

行以行。惟知鳳翔府二邦之民爭於境上。一曰此我公也。汝奪之一曰。今我公也。汝何有焉。

憂人初叛命。天下苦於兵。自陝以西尤甚。吏緣侵漁調發。督迫至民破產不能足。往往自經投水以死。行知永興軍。語其人口。吾不能免汝。可使汝不勞耳。乃為之區處計較。量其貴賤。道里遠近。寬其期會。使以次輸送。由是物不滯貴。車牛芻牧。往來如平時。而吏束手無所施。民比他州。費省十之六七焉。

李及

李及字幼幾。鄭州人。天禧中。知秦州。議者以及謹厚。非邊

才及至州將吏亦頗易之。會有禁卒。白日攫婦人金。飲於市吏執以聞。及方觀書。使前畧加詰問。其人服罪。及急命斬之。觀書如故。於是將吏皆驚服。

晏殊

晏殊出知宣州。自五代以來。天下學校廢壞。殊始興建。為諸州倡。迨范仲淹以教生徒。仲淹敦尚風節。每論朝廷利害。感激思奮。殊深器之。薦為秘閣校理。

鄭福

鄭福。深州人。成化中。知金州。廉正有為。修學校。建公署。規制始備。又築堤以禦水患。開市以通商賈。勸課農桑。民生

德殖增秩至參議

真德秀

真德秀知潭州。以薦。仁公勤四字。勵僚屬。以周敦頤胡安國朱晦庵張栻學術源流。勉其士。罷推酷。除酷斛。米中免和糴。以甦其民。民艱食。極力賑之。復立惠民倉。積穀五萬石。使歲出糶。又易穀五萬九千石。分十二縣。置社倉。以徧鄉。落立慈幼局。修義阡。惠政畢舉。小試諸軍。財損其回易之利。及官田租。凡營中病者死。未葬者。貧者嫁娶者。贍給有差。改知泉州。迎者塞路。深山老人亦扶杖出。城相見。所著西山政訓。

張詠

張文定公詠初知益州嘗有小吏忤詠詠械其頸吏恚曰
枷耶易脫耶詠曰亦何難耶就枷斬之吏皆悚惧又有殺
耕牛逃亡者公許自首拘其母十日不出釋之再拘其妻
一宿而來公斷曰拘母十夜留妻一宿備門之望何諫
髮之情何早就市斬之于是首身者繼至並遣歸家

袁了凡曰末世馭守令之寬每以格外行事汰外殺人
故不肖者或縱其惡而豪傑亦得以行其志今守令之
權漸削自管十至杖百僅待專決而徒一年以上必申
請待命往返詳駁經旬累月于是文素日繁而狂狷之

治亦多矣。馮子猶曰：自雖蟲取士，資格用人，原未嘗蒐募傑而汰不肖，安得不輕其權乎？吾於是益思漢制之善也。

賈琮

漢賈琮爲吳州刺史，舊制刺史車垂赤帷。琮升車，褰帷曰：刺史當廣視聽，察民善惡，奈何垂帷以自掩乎？

于延陵

于延陵爲建州刺史，去京師八十里。上曰：朕前後左右皆建人，卿察已奉公，則常在朕前，不然則三尺階前便是萬里。

鄭戩

鄭戩為虔州刺史。下車之日。雨乃霑足。民號為隨車雨。

方克勤

克勤為濟寧州知州。為政以風俗為急。以德化為本。處煩劇之地。而使民孚化。又益無事。終日衣冠坐堂上。召諸吏。授詩書法律。時大帥北征。舟師臨郡治。而水涸不可動。勸民夫五千決河。克勤不忍。夜泣禱於天。天忽大雨。水起數尺而去。性不近名。嘗自誦曰。近名必立威。立威必害人。吾不忍為也。

李多見

李多見福建人以文選郎中出知瓊州府爲于學校
嚴於吏胥民有訟者諭以曲直不事責罰以母老乞
休通司懇番士民輒借竟不可奪束裝之日數篋函
書縉紳父老遮送贈金不受渡北至海安檢得沉香
焚之今建立燬香亭南人思之不已協建生祠祠曰
忠孝清高贊曰嚴希遠澤在鶴葉伴使君燬香：己
燬燬字至今芬

朱仲智 蘭芳

吉安太守天仲智寬厚廉潔剗革夙弊禮賢愛民

甚載之故召而去蘭芳繼之寬厚持大体明習吏事
庭無滯積民有告訴者數語立決吏無所容其奸尤
以愛民為心處事曲當吏民大喜言安之民稱賢守
者必曰朱簡云

陳本深

陳本深為言安太守深尚寬簡未嘗任智假威以
民有冤抑不申者雖三尺童子皆得從白久之郡民
自恥爭訟尤折節下士辭色謙和未嘗少憚一郡咸
安

彭誼

彭誼為紹興太守值歲災民饑發倉賑之或謂當上
聞否且得罪誼曰待請而發轉溝壑者多矣吾何愛
一身而不以活萬命耶竟發之全活甚衆

楊繼宗

繼宗為嘉興太守以剛廉蒞治為人好善惡惡出于
天性與人不苟合人多憚其嚴在任九年止携一蒼
頭蕭然如旅寓去之日民遮道留之

百僚金鑑卷之七

縣令總考

按周制四百里為縣。官有縣正。各掌其縣之政令。而賞罰之。春秋時列國相滅。多以其地為縣。則縣大而郡小。故左傳上大夫受縣。下大夫受郡。至於戰國。則郡大而縣小矣。秦制列侯所食縣曰國。皇太后公主所食曰邑。有蠻蠻曰道。凡縣萬石以上為令。減萬戶為長。侯國為相。秩次亦如之。漢因之。晉制大縣令有治績。報以大郡。不經縣宰。不得入為臺郎。自晉末以後。令長相國。皆如漢制。北齊分為九等。隋有令有長。西京置四縣。增秩為正五品。唐有上中下

六等之差。宋詔非兩任縣令。不除監察御史。慶元初。復詔除殿試上第。各省元外。並作邑。後至宰相。凡殿試科甲。人無不試。吏為權輿也。元縣各有達魯花赤。掌縣印。以知縣為縣尹。掌判縣事。而丞也。尉也。主簿也。皆古有之。明初定縣三等。上縣令從五品。中縣令正七品。下縣令從七品。已定令並七品。京縣令正六品。知縣一。縣丞。主簿。一不及二十里。裁丞簿。因事增設。無定員。其為典史一。所屬衙門。儒學教諭一。訓導一。其餘諸屬。如府州。

刻昆

漢劉昆為江陵令。縣有大火。昆向火叩頭。火尋滅。後為弘

裴太守虎皆負子渡河。帝聞而異之。徵為光祿勳。問曰。前在江陵。反風滅火。後守弘農。虎北渡河。行何德政。而致此也。對曰。偶然耳。帝曰。此長者之言也。顧命書諸策。

劉方

劉方為襄城令。章帝詔曰。俗吏矯飾外貌。似是而非。朕甚厭之。甚苦之。安靜之吏。惻惻無華。日計不足。月計有餘。如襄城令劉方。吏民同聲。謂之不煩。雖未有他異。斯殆亦近之矣。夫以苛為察。以刻為明。以輕為德。以重為威。四者或興。則下有怨心矣。

卓茂

卓茂。宛人也。寬仁恭愛。恬淡樂道。雅實不為華貌。行己在清濁之間。自束髮至白首。未嘗與人爭競。鄉黨故舊。雖行能與茂不同。而皆愛慕欣欣焉。哀平間。為密令。視民如子。舉善而教。口無擇言。吏民親愛。不忍欺之。光武封為褒德侯。

按君子立身行己。當以潔清為第一。卓茂行己在清濁之間。則已落鄉愿窠臼矣。昔人有問其令賢否者。荅曰。漿水也。言不清不濁也。可發一笑。

虞詡

虞詡為朝歌長。及到官。設三科以募壯士。曰。猾吏以下。各

舉所知其攻劫者為上。傷人偷盜者為次。不事家業者為下。又得百餘人。謂為饗食。悉貫其罪。使入賊中。誘令劫盜。仍伏兵以待之。殺賊數百人。又潛遣貧人能縫者。備作賊衣。以綵線縫其裾。有出市里者。吏輒擒之。賊由是駭散。咸稱為神明。縣境皆平。

順治癸巳。予宰安遠。有四營賊作亂。率鄉勇屯上林。與以禦之。有三賊孫首卿。素與四營通。予乃以德意感之。令其殺賊自贖。卿果率旗下數百人入深山殺賊。賊曰。孫兄來吾事濟矣。卿曰。吾受邑宰之命殺賊。豈為爾誘。勇往奮擊。殺賊數十人。方取首級以獻功。賊前擁殺之。

孫憲既散賊亦旋平亦以賊攻賊之注也

仇香

仇香陳留人。至行純默。鄉黨無知者。年四十為潁亭長。民有陳元獨與母居。母請香告元不孝。香驚曰。吾今日過元舍。廬舍整頓。耕耘以時。此非惡人。當是教化未至。爾母守寡養孤。不能成濟。若死者有知。百歲之後。當無以見亡者。母涕泣而起。香乃親到元家。為陳人倫。譬以禍福。元感悟。平為孝子。

周紆

周紆為洛陽令。下車先問大姓主名。吏數問里豪強以對。

紆厲聲怒曰。本問貴戚若馬賓革。豈能知此。貴戚備乎。於是部吏望風首爭以激切為事。貴戚踴躍京師肅清。

賈彪

賈彪為新息長。小民貧困多不養子。彪嚴為其制。與殺人同罪。城南有盜劫害人者。比有婦人殺子者。彪出按驗。掾吏欲引南彪。怒曰。賊寇害人。此則常理。母子相殘。逆天違道。遂驅車北行。按治其罪。城南賊聞之。亦而縛自首。數年間人養子者以千數。曰。此賈父之所生也。皆名之曰賈。按此與太守任延之事相類。為宇宙培多少元氣。為朝廷增多少人口。真仁人之功哉。

朗茂

隋朗茂爲衛國令。有民張元預兄弟不睦。丞尉請加嚴刑。茂曰。元預兄弟本相憎嫉。又坐得罪。彌益忿非。化民之意也。乃徐諭之。以義。元預等各感悔。頓首請罪。遂相親睦。

張全義

唐河南尹張全義。值寇亂之後。居民不滿百。戶全義選麾下十八人。才器可用者。今給一旗一榜。謂之毛將。詣十八縣故墟落中。植旗張榜。招懷流散。勅之樹藝。蠲其租稅。惟殺人者死。餘但笞殺而已。由是民歸之如市。全義爲政寬簡。出見田疇美者。輒下馬與僚佐共觀之。召田主勞以酒。

食有饗。麥善收者。或親至其家。悉呼出老幼。賜以茶彩衣。物公。不喜聲伎。見之。未嘗笑。獨見佳麥。良繭。則笑耳。有田荒穢者。則集衆杖之。或詐以乏人牛。乃召其鄰里。責使助之。由是鄰里有無相助。比戶豐實。凶年不饑。遂成富庶焉。

張載

張載字子厚。長安人。爲雲巖令。以敦本善俗爲先。每月吉具酒食。召鄉人高年。會縣庭。親勸酌之。使人知養老事長之義。因訪民疾苦。及告所以訓誡子弟之意。學者稱爲南軒先生。

程顥

程顥字伯淳河南人。為晉城令。民以事至邑者。必告之以孝弟忠信。度鄉村遠近。為保伍。使力役相助。患難相卹。孤茆殘疾者。責之親黨。使無失所。行旅出其途者。疾病皆有所養。諸鄉有校。時親至召父老。與之語。兒童讀書。為正其句讀。教者不善。則為易置。俗始甚野。不知為學。乃擇子弟之秀者。聚而教之。鄉民社會。為立科條。旌別善惡。使之有勸。有耻。在縣三年。民愛之如父母。

按明道先生得孔孟之正傳。寄斯文之絕緒。他日立朝。事繫彪炳。千秋宰邑。其緒餘耳。有民社之責者。當先以此為法。而後求其立朝規模可耳。

陸九淵

陸九淵字子靜。撫州人。知荆門軍。民有訴者。無旦暮皆得
至於庭。令其執狀以進。為立期。皆如約而至。即為酌情決
之多。所勸釋。其有涉人倫者。使自毀其狀。以厚風俗。惟不
可訓者始置之法。

陳襄

陳襄侯官人。知仙居縣。教其民曰。為吾民者。父義。母慈。兄
友。弟恭。子孝。夫婦有恩。男女有別。子弟有學。鄉閭有禮。貧
窮患難。親戚相救。婚姻死喪。鄰保相助。無墮農業。無作盜
賊。無擊賭博。無奸爭訟。無以惡凌善。無以富欺貧。行若讓

路耕者讓畔。班白者不負戴於道路。如此則為禮義之俗矣。民多化焉。

劉珙

劉珙字共父。機鑒精明。議論英發。遇事立斷。其威不可犯。而居家極孝慈。事繼母敬禮倍勤。友愛諸弟。晚歲彌篤。其在州郡治平聽察。令行禁止。而於愛民厚俗之意尤孜孜焉。民有骨肉之訟。躬以恩義反覆辯告。至或深自引咎。聞者皆失所爭而去。

李君奭

李君奭為醴泉令。宣宗較獵渭上。有父老十數聚於佛寺。

上問之對曰。醴泉百姓也。縣令李君。有異政。考滿當罷。詣府乞。留。故與乞。佛。與。諸所願耳。上以為懷州刺史。

傅琰

傅琰字季珪。靈州人。父僧祐。山陰令。有能名。琰事宋。為武康令。遷山陰令。並有能名。二縣皆謂傅聖。時云。諸傳有理。縣譜。子孫相傳。不以示人。琰子翹為官。亦有能名。後為吳令。別建康令孫燕。燕因問曰。聞夫人發奸摘覆。惠化如神。何以至此。荅曰。無他。唯勤而清。則憲綱自行。勤則事無不。憲綱行。則吏不能欺。事理則物無凝滯。欲不理得乎。朝代劉元明為山陰令。問元明曰。願以撫政。告新令尹。荅

曰。我有奇術。卿家譜所不載。臨別當以相示。既曰。作縣令。惟日食一升飯。而莫飲酒。此第一策也。

昔武侯食少事煩。仲達料其不久。蓋簿書旁午之際。不食則神耗。而事無由理。不飲酒則神清。而物不得亂。常聞秦賸以沉湎而敗者。比比也。可不戒歟。

李行言

李行言為涇陽令。宣宗獵於苑北。遇樵夫問其縣令。涇陽人也。問令為誰。曰李行言。為政何如。曰性執。有強盜數十人。匿軍家。索之竟不與。盡殺之。上歸帖其名於覆殿之柱。後除海州刺史。入謝賜金紫。問曰卿知所以衣紫乎。對曰。

不知上命取殿柱帖示之。

張億

張億不知何許人。知鄆縣時。嘗夜出微行。民間姑婦紡績。遣婦視所釀酒。婦視之。荅曰。有如張縣君徹底清矣。不意其聞也。億聞之而喜。翌日以木綿勞之。

按官之廉否。視乎民情。微行而卜素履。是或一道也。昔有一令貪酷。脩至微行。而閭人曰。此邑令長何如其人。詈曰。又貪又酷。百姓思食其肉矣。令妻頓而返。

張詠

宋張文定公詠。初為榮陽縣。民以茶為業。公曰。茶利羣官。

將樵之。不若早自異也。今拔茶而植桑。民以為苦。其後樵
茶他縣皆失業。而崇陽之桑皆以成為絹疋。歲百萬計。思
公之惠。立廟祀之。又在崇陽日。有一吏自庫中出。視其髻
旁下有一錢。詰之。乃庫中錢也。公命杖之。吏勃然曰。一錢
何足道。乃杖我也。爾能杖我。不能殺我也。公筆判云。一日
一錢。千日千錢。繩鋸木斷。水滴石穿。自伏劍下階。斬其首。
申府自劾。吏皆畏服。

陸光祖

光祖平湖人。初為潯令。有富民枉坐重辟。數十年相沿。以
其富不敢為之白。陸至訪實。即日破械出之。然後聞於臺。

使者曰。此人富有聲。陸曰。但當論其枉不枉。不當問其富。不富果不枉。夷齊無生理。果枉。陶朱無死法。臺使者甚器之。後行。取為吏部。黜陟自由。絕不關白臺省。時孫太宰孟楊在省中。以專權劾之。既落職。辭朝。遇孫公。因揖謂曰。承老科長見教。甚荷生成。但今吏部之門。囑託者衆。不審何以申公道。老科長此疏。實誤也。孫沉思良久曰。誠哉吾過矣。即日草奏自劾。失言而力荐陸。由是復起。時人面賢之。

魯恭

魯恭為中年令。時蝗不入境。河南尹使肥親往視之。恭隨行。阡陌與生桑下。有雉止其旁。有兒童親曰。何不捕之。

兒曰。雉方雛。親起曰。蝗不犯境。化及鳥獸。童子有仁心。此三異也。

張寬

元順帝時。張寬為武陵令。禾將熟。有蝗自東來。寬仰天祝曰。寧殺縣尹。勿傷百姓。俄有黑鷹群飛。啄食之。是歲蝗不為災。

梅衡湘

梅少司馬衡湘。初為固安令。縣多中貴。狎視令長。稍強項。則與之爭。公平氣以待。有中饋操豚蹄餉公。乞為徵。負公為烹蹄設飲。使召負者前訶之。負者訴以實。公叱曰。貴人

債何債而敢以貧辭乎。今日必償。徐之死杖下矣。負者泣而去。中貴意似惻然。公覺之。乃復呼前臧額曰。吾固知汝貧甚。然無如何也。急鬻而子與而妻。持錘來。雖然。吾為汝父母。何忍使汝骨肉驟離。姑寬汝一日。夜歸與妻子訣。此生不得相見矣。負者聞言愈泣。中貴亦泣。辭不願徵。為之破券。嗣是中貴家傲負者。皆從寬焉。

崔瑗

崔瑗為汲令。開渠溉稻。民賴其利。歛之曰。天降神明。吾作我慈仁父。臨民有德澤。決渠作甘雨。

江淹

江淹為建安令。以風雅化俗。民不忍欺。嘗言碧水丹山。平日所酷好。何堪作吏。僻遠耶。○又潘岳為河陽令。使民栽種桃李。及春日花爛熳。謂之河陽一縣花。雖曰放誕風流。其實有于禁令。此可以為戒也。○又王喬為葉縣令。有神術。每朔望來朝。武帝怪其數伺之。至期止見雙鳬飛來。命舉網得之。則所賜上方赤舄也。或云王喬即周時仙人王子喬。此亦怪誕不經。不足為訓。

按魏末以來。縣令多用所役。由是士流耻為之。齊僕射元文選。以為縣令治民之本。遂請準選。密擇貴遊子弟。發勅用之。悉召集神武門。令趙王儼宣旨。慰諭而遣之。

知人爲縣令自齊始

海忠介先生評曰。知縣知一縣之事。一夫不獲。辜一民失所。予咎。所以入車父之野。而見棄魚之俗。則知子賤之政矣。履中年之境。而見馴雉之休。則知魯恭之政矣。爲政不同。而要不外乎敬天勤民之念。且災異上則戒膳撤樂。謹告上則蠲租求言。凡膺斯民之貴者。體上天之意。而與時之災。獨必哀。饑寒必恤。不泚一法。不私一錢。肺石下無格。丘鬼覆盆中。群鵠亭寬。爲民間必得之門。明必死之路。而薦聲不哀。鼠牙無訟。則政簡而刑清矣。此豈家有治縣之譜哉。良由萬物一體之懷。而誠

求之也。若一旦縮平通得一邑。遂沾沾然色喜。埋沒初
心。不惜廉耻。多方培植。以克私索。賸生民之膏。填結怨
之歡。甚至有鍾乳三千。胡椒八百之譜。而不顧者。嗚呼。
縣則古矣。官能清乎。槐根齋矣。馬骨高乎。殊不知上而
朝廷。吾父兄也。中而撫按藩臬監司。吾家督也。下而父老
子弟。吾同胞也。果可欺乎。故必以聖賢之所行自期。中
夜自思。催科日迫。保無有賣妻鬻子者乎。聽訟雖審。得
無有含冤未申者乎。民未向化。得無感手之道有未至
乎。風弊猶存。得無革心之治有未至乎乎。愚思之務求無負
天子。無負所學。而後可以為知縣。

縣丞

盧坦

唐盧坦為河南尉時杜黃裳為尹。坦論曰。某上室子。與
某人遊。破產。盡察之。坦曰。凡居官廉。雖大臣無厚蓄。其能
積財者必剝下致之。如子孫善守。是天富不道之家。不若
忍其不道。以歸於人也。黃裳驚異其言。

崔斯立

崔斯立為藍田丞。嘆曰。余不負丞。而丞負予。日對二松。吟
哦其間。

海忠介先生評曰。官以縣丞名。蓋謂一縣之事。宜與知縣和衷協濟。水流而宣化也。誠請恭爾位。無忝厥職。安知不與鳴琴而治者。大展雷封之畧哉。如未入官。先問家計。爵位賄賂。奪魄動心。國病民冤。如聾如瞶。縣丞之謂耶。瑞自下車之日。竊心鄙之。詎我同僚。脩官而水之。聞耶。每見時可共言。為之舉舌。事可獨任。為之却步。有如韓退之所云。涉筆占位。署惟謹。惟長官之是聽。漫不可否事。治縣之績。一無足紀。是上人子惠元元之意。不能承而宣之也。非縣丞矣。

主簿

劉知幾

唐劉知幾為復嘉主簿。啓諫四事。赦令不息。一也。階勳多濫。二也。取士太廣。宜加汰。三也。牧伯遷代太速。四也。是時法網嚴密。競進者陷刑戮。乃著思慎賦。以見志。刺時政焉。

仇香

仇香為主簿。民有陳元者。其母告其不孝。香乃以孝道化之。不加罪責。卒為孝子。王濟問曰。陳元之過不罪而化得。無少鷹鷂之志耶。香曰。鷹鷂不若鸞鳳。漢謝曰。枳棘非鸞鳳所棲。百里非大賢之路。

海忠介評曰。主簿掌一縣簿書之事。雖位有崇卑。職有詳要。夫人莫不真性率真而行之。即古所謂僅得一官。亦可小試。苟不盡分稱職。金玉其外而敗絮其中也。即陝魏科登。應仕徒站官常耳。如錢穀一畝。宜出入明允。無悖孔子會計當之說。苟勾稽錯亂。追呼賒混。有錢則寬。儆無錢則急比。且計糧數之多寡。而繭絲之有封小。封以為常規之入焉。是憑家兄為驅使了。不能以自主。徒老死於簿書間也。又何異於王恂輩。唯諾。僅供公之喜怒也哉。

興史無考

海忠介評曰。典史掌巡捕人。聞盜賊爭鬪微事。盡屬之
所當。小心翼。晝夜惟勤。棲僅一杖。飲惟有滿腹而已。
若位卑言高。祿微而謀大。黑白出入於唇吻。曲直任其
心胸。指良為盜。為己啟利。欺肺石之無言。棘棘之哭。置
不恤焉。其何以為民長上哉。况屈一夫。冤一婦。霜旱隆
之。為民上者。可不緣此為兢兢哉。且又偏聽衙廬相助。
腹削盜賊。分其賊。爭鬪罰之。紙不幾乎。祥符之五鬼乎。
非典史也。

愚按古之六聖大賢。所以致政教之數者。未必盡出一
轍也。要之風移俗易而已。故為馬。樹戴星出入而邑治。

宋子賤凡事必事而道亦治子襄治西河而邑多文教
言偃治東魯而宰有絃歌其何修將由故感應者捷也
若不學無術而以人國而悅倖其不聖矣錦學製也祥
矣。

學校總考

按虞書命夔典樂敬胄子。周禮有師氏保氏。禮記天子學曰辟雍。成王時彤伯入為祭酒。戰國荀卿為祭酒。漢吳王濞年若不朝。為劉氏祭酒。祭酒之名久矣。漢置博士祭酒一人。秩二百石。後漢增置十四人。以士聰明有威重者一人為祭酒。魏因之。晉立國子學。置祭酒一人。博士十一人。助教十五人。宋太始六年。以國學廢。初置聰明親祭酒一人。有元儒文史四科。科置學士各十人。齊梁彌為國師。北齊改為國子寺。隋置太學。省祭酒。置太學博士。總知學事。大業改為國子監。仍置祭酒一人。司業一人。丞三人。主簿

錄事博士各一人。助教四人。唐龍朔二年改為司成館。改祭酒為大司成。司業為少司成。博士為司成。光宅改國子監為成均。監天寶置廣文館學士。進士。宋初置判監事二人。直講八人。丞簿各一人。元豐官制行。祭酒司業丞簿各一人。博士十人。太學博士十人。正錄各五。武學博士二。教諭律學博士及正各一。又有書庫官。隸焉。

明初建國子監。祭酒掌國學。舉人貢士。官生恩生。勲臣教訓之事。司業為之貳。要在明體適用。以孝弟忠信禮義廉耻為本。隆師親友。讀書寫字為業。有不率者。朴之。不俊。徒謫之。其率教者。有升堂積分。及叙用之法。且以廩餼膳

師生以力役給厨膳以賜予示恩賚以寧假恣人情以極
歷練吏事以考選汰冗監歲仲春秋上下曰祀先師則總
其禮儀上謁先師幸太學祭酒司恭執經進講其屬有
監丞坐繩愆廳恭領監事有博士坐博士廳分經訓授助
教學正文錄坐廣業崇志正義誠心脩道率性六堂專教
誨嚴程課稅經義約以規矩典簿典出納文移受支金錢
為師生饌典籍掌經史子集及制書於是禮部翰林詹事
春坊若國子監官聯相紹而遷補因之獨稱華重矣下而
府有教授訓導州有學正縣有教諭等官皆古庠序學校
之遺意也

劉向

據為郡於水濱。得古磬十八枚。議者以為善祥。劉向因是說上宜興辟雍。設庠序陳禮樂。以風天下。如共而不治。未之有也。蓋禮樂以養人為本。今有司請定法。刑則削。筆則筆。至於禮樂。則曰不敢。是敢於殺人。不敢於養人也。夫教化所恃為治。刑法所以助治也。今廢所恃而獨立其所取。非所以致太平也。於是奏請立辟雍。未作而罷。

桓榮

漢明帝幸辟雍。行養老禮。以李躬為三老。桓榮為五更。遣使安車迎三老。五更於太學講堂。天子迎於門屏。三老升

東面三公設几。天子親袒割牲。執醬而饋。執爵而醕。就醴
在前。祝嘏在後。五更南面。三老進俎。禮亦如之。祀畢。引梲
榮及弟子升堂。上自為辯說諸儒。執經問難。於是冠帶縉
紳之人。圜橋門而觀望者。蓋億萬計。於是下詔賜榮爵關
內侯。三老五更皆以二千石。養終厥身。上自為太子受尚
書於太榮。及即位。獨尊崇以師禮。

蔡邕

漢靈帝詔諸儒正五經文字。命議郎蔡邕為古文篆隸三
體書之。刻石立於太學門外。使後學取正焉。碑始立。觀模
寫者。車乘日千餘輛。

孫奭

宋孫奭為侍講。依詔。隻日御經筵。自後雖隻日。亦召侍臣講讀。真宗在經筵。或左右瞻矚。及容體不正。奭即拱立不講。帝為竦然改聽。

石介

國子監直講石介。篤學樂志。好善嫉惡。以韓琦范仲淹等同時登用。而歐陽修蔡襄等。並為諫官。憂球既罷。因大喜曰。此盛德事也。乃作慶曆聖德詩。有曰。衆賢之進。如茅斯拔。大姦之去。如距斯脫。大姦指竦也。詩出其師。孫復聞之曰。介禍始於此矣。

孫復

孫復泰山人。初舉進士。不第。退居泰山。著春秋尊王發微十二篇。國子監石介師之。范仲淹富弼皆言復有經術。宜在朝廷。徵爲國子監直講。

曾元亮

宋仁宗因趙師民獻勸講箴。命曾元亮講讀經史。謂曰：卿等宿儒博學。多所發明。雖盛暑亦未嘗倦。但恐卿等勞耳。

宋郊

宋郊奏仁宗曰：嚴不本於學校。士不察於鄉里。則不能覈

名實有司。束以聲律。學者專於記誦。則不足以盡人才。恭
考衆說。擇其便於今者。莫若使士皆士著。而教之於學校。
然後州縣察其履行。則學者修飭矣。先策論。則文詞者留
心於治亂矣。簡程式。則淹博者得以馳騁矣。問大義。則執
經者不專於記誦矣。

徐積

徐積爲楚州教授。每升堂諭諸生曰。諸君子欲爲君子。而
使勞已之力。費已之財。如此而不爲君子。猶可也。不勞已
之力。不費已之財。諸君何不爲君子。鄉人賤之。父母惡之。
如此而不爲君子。猶可也。鄉人榮之。父母欲之。諸君何不

為君子。聞者敬服。

胡瑗

胡瑗海陵人。為湖州教授。訓人有法。科條纖悉。備具。以身率先。雖盛暑必公服坐堂上。嚴師弟之禮。時方尚詞賦。湖學獨立經義治事齋。以敦實學。及興太學。詔下湖州取其法。著為令式云。

程頤

程頤號伊川。為崇政殿說書。以為學校禮義相先之地。請置尊賢堂。以延天下道德之士。錫解頤以去利誘。省繁文。以專委任。勵行檢以厚風教。

楊時

楊時號龜山。欽宗時為國子祭酒。上言蔡京蠹國害民。幾危社稷。人所切齒。而論其罪者。莫知其所本也。蓋京以繼述神宗為名。寔挾王安石以面身利。故推尊安石。加以王爵。配享孔子廟庭。今日之禍。實安石有以啓之。安石挾管商之術。飾六藝以文奸。言變亂祖宗法度。當時司馬光已言其為害。當見於數十年之後。今日之事。若合符契。伏望追奪王爵。明詔中外。除去配享之像。使邪說淫詞。不為學者之惑。

陸九齡

陸九齡撫州金谿人。為全州教授。切頴悟端重。性周謹。不肯苟閒。涉獵舉進士。調興國教授。未上。會湖南茶寇剽陵。人心震懾。或請九齡主義社。以禦寇。門人多不悅。九齡曰。文事武備一也。古者有征討。公卿即為將帥。比閭之長。則伍兩之卒也。士而耻此。則豪俠武斷者專之矣。遂領其事。調度有法。郡縣倚以為重。暇則與鄉之子弟習射。曰。是固男子之事也。及至興國。不以職閒自逸。益嚴規矩肅衣冠。如臨大將。勸綏引翼。士類興起。改全州未上。得疾。與客對語。猶以天下學校人材為念。整襟正卧而卒。

九齡之家。累世義居。一人最長者為家長。一家之事聽

命焉。歲上子弟分任家事。閨門之內。肅若朝廷。而忠敬樂易。鄉人化之。皆遜弟焉。與兄淵自相師友。和而不同。學者稱二陸。

陸九淵

九淵號象山。九齡之兄也。嘗謂學者曰。爾耳自聰。目自明。事父自能孝。事兄自能弟。本無欠闕。不必他求。在乎自立而已。又曰。此道與溺於利欲之人言。猶易。與溺於意見之人言。却難。或勸其著書。九淵曰。學苟知道。則六經皆我註脚。及知荆門軍。政行令。修民俗為變。一日謂家人曰。吾將死矣。乃沐浴更衣。端坐而逝。謚曰文安。

按九淵生而穎異。年三四歲。問其父。賀曰。天地何所窮。
際。父笑而不答。遂深思。至忘寢食。他日讀書。至四方上。
下曰字。往古來今曰宙。忽大省悟曰。宇宙內事。乃已分。
內事也。已分內事。乃宇宙內事也。又曰。東海有聖人出。
焉。此心此理同也。至西南北海。有聖人出。此心此理亦。
無不然。千百世之上。千百世之下。有聖人出。此心此理。
亦無不然。及登進士第。至臨安。士爭從之。遊。言論感激。
聞而興起。甚衆。教人不用學規。有小過。言中其情。或至。
流汗。有懷於中。而不能自曉者。為之條悉其故。悉如其。
心。亦有相去千里。聞其大槩。而得其為人者。

又按九淵與朱子會於鵲湖論辨所學多不合。及朱子
守南康九淵訪之。朱子與至白鹿洞。九淵為講。君子小
人喻義利章。聽者或至泣下。朱子以為初中學者隱微
深鉅之病。至於無極而大極之辨。則貽書往來。論辨不
置焉。

袁燮

袁燮慶元人。九淵之門人也。為國子祭酒。端粹專靜。慨然
以名節自許。迨見諸生。必迪以反躬切己。忠信篤寔。是為
道本。聞者踈然有澤。每言人心與天地一本。精思以得之。
兢業以守之。則與天地相似。學者稱為索齋先生。

陳埴

宋理宗以埴為國子司業。諸生相慶。以為得師。學益相勵。論者以中興國學未之有也。嘗曰。好名孟子所不取。然求士於三代之上。惟恐其好名。求士於三代之下。惟恐其不好名耳。

曹觿

曹觿理宗時為祭酒。帝臨太學。御崇化堂。命觿講禮記大學篇。以詔定三年所製伏羲堯舜禹湯文武周孔顏曾思孟道統十三贊。就賜國子監。宣示諸生。復親書朱子白鹿洞學規賜焉。

許衡

元許衡爲國子祭酒。命郎燕京設學。時所選弟子皆幼穉。衡待之如成人。愛之如子。出入進退。其言如君臣。課誦少暇。卽習禮。每說書不務多。惟懇款周悉。必使通曉而後已。嘗問諸生此章書義若推之自見。今日之事。有可用否。大凡欲其踐行。不貴徒說也。每謂書中無疑。看得有疑。有疑却看得無疑。方是有功。又謂教人與用人正相反。用人當用其所長。教人當於其所短。故衡之教人也。必因其所明。開其所蔽。而納諸善。久之人人自得。尊師敬業。下至童子亦知三綱五常。爲生人之道。凡爲衡弟子者。皆能自立。爲

世用矣

虞集

虞集嘗議學校曰。今天下學官。以資格授。強加之諸生之上。而欲望師道之立可乎。為今之計。莫若使守令求經明行修者。身尊師之庶。可以觀感而化矣。

宋濂

明太祖取婺州路。改為寧越府。命知府王宗弼開郡學。延儒生葉儀。宋濂為五經師。戴良為學正。吳沉徐原為訓導。時學校久廢。至是始聞絃誦之聲。無不欣讚。

海忠介先生評曰。教官掌一邑之教。舉一邑之臞腫。薄

質俱賴其陶成。凡門下皆俊傑之秀。手雖不能如尼父。設教誅泗三千。王迫濱教河汾士八百。即一邑簪纓。濟不為少矣。掌學教者。謂可安閒。以自曠乎。應將經書性鑑。子史諸集。與諸弟子朝夕講習。日月課會。切嗟琢磨。使之義禮明而心性淳。異日登之仕路。文章由道德發出。事功從學問做來。有裨於

國家。有濟於生民。以見學優則仕之明驗也。若任諸生啗飲呼盧。逐利營利。所謂經義治事齋。忠臣孝子。欽憐然罔聞也。是誰之過歟。如若是寄空石於諸士之上。典籍無傳。模範不端。虛糜歲月。為身謀為家計。初入學則索

其贊見之儀既入學則索其送學之禮於諸士子毫末
無補焉亦何以克稱廣文之職也哉

丁積

丁積為新會令既就選知邑中有陳白沙先生大喜
曰吾得師矣至則事以師禮月分所得俸給之先生
謝不受有所教行之惟恐後其為政以風俗為本申
洪武禮制叅以文公家禮為書訓之月朔進問于庭
賄博竊盜者榜門示耻良家子游惰者聚廡下使日
誦小學書親為講解一時風俗丕變甲首納戶賦畢
自歸田弛然無復事白沙賦樂歲詩云長官願似丁
明府甲首終年不到衙

唐况

唐侃為永豐令永俗悍訟侃以教化先之以真誠格
之吏民不忍欺給立木牌二千連右曰從化左曰從
刑令曰求理者左欲和者右父之民多立丁右以求
和言苟當理雖賤吏必改容謝為立行之

程鄰

程鄰為益城令以廉能奏最入覲之日僅乘一馬以
一馬負冊以一僕御馬而已其與趙清獻之一琴一
鶴張繼宗一蒼頭同意清風高節千古一見者也

鄆高

鄆高南昌人嘉靖間知定安縣興學校均里甲撫流

務節煩費為民興利除害時瓊中以入覲索屬邑高
曰利民以媚上吾弗為也遂見忤已丑考察竟以不
及改教臨行詩曰世路人情蜀道難幾回飛夢繞鄉
關一肩行李梅花瘦萬里冥鴻任往還

按鄢今利民媚上一語真中仕路人膏肓雖見忤
告罷而清風凜々直足千古固不以成敗論英雄
也昔任延不肯善事上官海瑞節省朝覲之費皆
有燕介之風亦在為上者之見諒耳

附錄

明太祖諭守令曰天下之大人若不能獨治乃設有

司以分理之歟其鋤強扶弱獎善去奸使民得遂其所安民得其安然後可以盡力而足其衣食輸其賦稅以資國用今命汝等為牧民之官以民所出租賦為爾等俸祿爾尚勤干政事盡心于民勿得尸位素餐自觸法網

諭郡守曰郡守縣令為牧民之官凡賦歛徭役訴訟皆先由縣次方至府若縣令賢明則賦歛平徭役均訴訟簡一縣之事治則府可以無憂矣苟縣官貪虐以毒民或怠弛以廢事民間利病尸素不聞不惟民受其殃府亦受其害矣為府官者知其弊能繩奸貪

去關華請吏賢者而任之則上下皆安矣若知而不言上下蒙蔽雖苟且一時終必為其所累爾等宜懃修厥職廣施惠政以副朕懷

諭縣令曰縣官之職最親於民苟有善政及民而民稱之美名即傳於遠邇若惡政害民惡聲亦不可掩為善為惡朝廷公論有在尔等爾民有成績他日不患不至崇要也

永樂中上諭曰為國牧民其先於守令守令賢則一郡一縣之民有所恃而不得其所者寡矣如其不賢當速去之蓋吏部選士出一時倉卒未能悉其才行

必考察所行乃見賢否其令巡按及按察司九府州
縣官到任半載以上察其賢否貪穢具奏